

die Ursach der Kranckheit hierdurch ganz  
vnd gar hinweg zu nehmen/sondern die an-  
hängenden Zufälle zu lindern.

In Summa/ zu allen innerlichen vnd  
eufferlichen Entzündungen/vnd fast in ma-  
gno quopiam morbo, ist Aderlassen zu er-  
wehlen / wie solches Galenus bezeuget.  
Darumb wird es billich in den jenigen  
Kranckheiten/welche acuti, peracuti, vnd  
peracutissimi genennet werden / fast allen  
andern Mitteln vorgezogen. Sineemahl  
dieselbige den Krancken entweder bald auff-  
reiben / vnd wenig / ja wol gar keine Ruhe  
noch Schlaff vergönnen / oder aber bald  
widerumb vergehen. Wie sie nun einen  
anfänglich mit Gewale angreifen: Also  
kan ihnen fast kein ander Mittel / als A-  
derlassen / machtigern Widerstand thun.  
Darumb es auch bald im anfange solcher  
geschwinden vnd fährlichen Beschwerun-  
gen / als ein præsentaneum remedium  
muß vorgenommen werden. Denn so  
man damit verzeucht/ so werden die Kräfte  
viel mehr verzehret / die agitatio vnd  
com-